

Ilmdan baxt yaratgan olimalar

Ayol buyuk xilqat, buyuk mo'jiza... Oila, farzandlar bilan ilm va ijod qilish ayol zotidan buyuk jasoratni talab etadi. O'zbekiston Fanlar akademiyasining 80 yilligi munosabati bilan, 40 yildan ortiq vaqt davomida Fanlar akademiyasi tizimida faoliyat yuritgan 80 dan ortiq fidoyi olimalarni e'tirof etish, ularga ehtirom ko'rsatish maqsadida O'zbekiston Fanlar aklademiysi, O'zbekiston Respublikasi Oila va xotin-qizlar qo'mitasi, O'zbekiston xotin-qizlar "Olima" uyushmasi, O'zbekiston Respublikasi "Oqila ayollar harakati" hamkorligida "Kasbim-hayotim mazmuni" nomli madaniy-ma'rifiy tadbir tashkil etildi. Tadbirga uzoq yillardan buyon Fanlar akademiyasi, ilm-fan rivoji uchun xizmat qilgan ayollar taklif etilib, Fanlar akademiyasi tomonidan Tashakkurnoma va esdalik sovg'alari bilan taqdirlandi. Tadbirga tashrif buyurgan mehmonlar o'zbek olimalarini 80 yil ichida erishgan yutuqlari, fanga qo'shgan buyuk hissalarini alohida ta'kidlashdi. Tadbir davomida olimalarga bag'ishlangan rolik namoyish etildi. Tadbirda ishtirok etayotgan nuroniylar bo'lgan, nurli olima ayollarimiz yuzidagi quvonch, hayotga mehrni ko'rib, "ayol zotini baxtli qilmoq uchun ko'p narsa shart emas" deyishlari rost ekanligiga yana bir-bor amin bo'ldik. Nozik jussalarida onalik, ayollik, olimlik yukini ko'tarib, ilmli, yurt koriga yaraydigan farzandlar ulg'aytirib, butun umri davomida ilimning zalvorli yo'lida ham o'z o'rnnini topgan bu mo'tabar ayollar har qanday e'zoz va ehtiromga munosib! Umringiz uzun bo'lsin jonkuyar, qadrlı olimalarimiz!



